



Deialdia, Tolosako udalerriko irabazi-asmorik gabeko gazte elkartu eta elkartu gabeei 2019rako diru-laguntzak norgehiagoka bidez emateko.

1. Helburua.
2. Eskaerak.
3. Instrukzioa eta proposamena.
4. Hautapen- eta balorazio-irizpideak.
5. Ebazteko eta jakinarazteko epea.
6. Dirulaguntzaren erabilera justifikatzea.
7. Dirulaguntzaren zenbatekoa.
8. Dirulaguntzen ordainketa eta aurrerakinak
9. Zuzkidura eta aurrekontuko partida.
10. Publizitatea.
11. Diruz lagundu daitezkeen gastuak.
12. Araudia.
13. Errekurtsoak.

1. Helburua

Deialdi honen helburua da prozedura bat arautzea irabazi-asmorik gabeko gazte elkartu eta elkartu gabeei dirulaguntzak eskatzeko eta horiek norgehiagoka araubidez emateko. Dirulaguntzak 2019. urtean zehar hainbat gazteria proiektu eta jarduera egiteko izango dira, eta duten proiektu eta interesagatik bat etorriko dira Udaleko Gazteria Departamentuaren programen helburuekin.

Espresuki dirulaguntzen emakidatik kanpo utziko dira gazteriako elkarte eta elkartu gabeko eskatzaileek zuzenean egiten ez dituzten programak eta jarduerak.

2. Eskaerak

Dirulaguntza horiek irabazi-asmorik gabeko gazteria arloko elkarteek eta elkartu gabeko gazteek eskatu ahal izango dituzte. Gazte elkartuek baldintza hauek bete behar dituzte: legearen arabera eratuta egon behar dute eta dagozkien erregistroetan inskribatuta; IFZ izan behar dute; eta beren jardura nagusiki Tolosako udalerrian garatu behar dute.

Inprimakiak osorik (DGEL formularioa) www.tolosa.eus eta behar bezala beteta UDATE-Herritarren Arreta Zerbitzuan aurkeztu beharko dira **20 egun naturaleko epean**, deialdi hau Gipuzkoako ALDIZKARI OFIZIALEAN argitaratu eta hurrengo egunetik kontaktzen hasita:

UDATEren ordutegia: astelehenetik ostiralera, 7:15etik 14:15era.



TOLOSAKO
UDALA

Horretaz gain, beste modu hauetako batean ere aurkeztu ahal izango dira:

- a) Tolosako Udalaren erregistro elektronikoa eta 39/2015 legearen 2.1 artikuluan aipatzen diren gainerako edozein erregistro elektronikotan.
- b) Posta-bulegoetan, erregelamenduz ezartzen den moduan.
- c) Espainiak atzerrian dituen ordezkaritza diplomatikoetan edo bulego kontsularretan.
- d) Erregistro-gaietan laguntzeko bulegoetan.
- e) Indarrean dauden xedapenetan ezarritako beste edozein tokitan.

Eskaerek Gazteria Departamentuaren oinarri berezietan ezarritako betebeharrak beteko dituzte.

Eskaera aurkezteak esan nahi du deialdi honetan jasotako baldintza guztiak onartzen direla.

3. Instrukzioa eta proposamena

Tolosako Udaleko Dirulaguntzen Ordenantza Orokorrak 19. eta 20. artikuluetan ezarritakoaren arabera egingo da instrukzioa eta proposamena.

Organo eskudunak:

- Instrukzioa: Gazteria teknikaria.
- Balioespen Batzordea: Kultura, Festak eta Gazteria Batzordea.
- Ebazpena: alkateari dagokio.

4. Hautapen- eta balorazio-irizpideak

Egitasmoen puntuazioa eta laguntzaren kopurua kalkulatzeko erabiliko diren irizpideak jasota daude Tolosako Udalak udalerriko irabazi-asmorik gabeko gazte elkarte edo elkartu gabeko gazteen ekimenak sustatzeko diru laguntzak emateko onartutako oinarri berezietako 6. puntuan.

5. Ebazteko eta jakinarazteko epea

Prozeduraren izapideak bete ondoren, eta ebazpen-proposamena egin aurretik, urriaren 1eko 39/2015 Legearen 41. artikuluan aurreikusitako entzunaldiaren izapidea beteko da; dena den, prozeduran interesdunek argudiatutako egintzak, alegazioak eta probak bakarrik agertzen badira eta horiek bakarrik hartzen badira kontuan, orduan, ez da entzunaldiaren izapidea egin beharrik izango.

Eskariak ebazteko gehienez 3 hilabeteko epea egongo da, eskariak jasotzeko jarritako epea amaitzen denetik, eta ordurako berariazko ebazpenik ateratzen ez bada, ezetsi egin direla ulertuko da.

Ebazpenak administrazio bidea amaituko du.

Interesatuei erabakiaren berri emango zaie urriaren 1eko 39/2015 Legearen 82. artikuluan aurreikusitakoaren arabera.

Emandako dirulaguntzen argitalpena egingo du Udalak, 38/2003 Lege Orokorrak, Dirulaguntzei buruzkoak, 18. artikuluan ezarritakoaren arabera.

6. Dirulaguntzaren erabilera justifikatzea



Dirulaguntzaren erabileraren justifikazioa Tolosako Udaleko Ordenantza Orokorrean eta Gazteria Departamentuaren Oinarri Berezietan ezarritakoari jarraiki egingo da, eta 2020ko urtarrilaren 31 baino lehen aurkeztu beharko da.

Gastuen frogagiriak dituen justifikazio-kontua izeneko modalitatea erabiliko da. Halako kantitate bat ere onar daiteke zeharkako gastu subentzionagarritzat (gehienez ere programa edo jardueraren aurrekontuaren % 5ekoa), baldin eta erakunde onuradunaren administrazio kostu orokorren parte bat programari edo jarduerari egotzi ahal bazaio modu egiaztagarrian.

Justifikazio-kontuak, gutxienez, jarraian zehazten den informazioa jasoko du:

1. Dirulaguntzaren emakidan ezarritako baldintzak bete direla justifikatzeko jarduera-memoria bat, burututako jarduerak eta lortutako emaitzak adierazteko.
2. Memoria ekonomiko bat, egindako jardueren kostua justifikatzeko, eta hauek barne hartuko dituena:
 - a) Jardueraren gastuen eta inbertsioen zerrenda sailkatu bat, hartzekodunaren eta dokumentuaren identifikazioa, zenbatekoa, jaulkipen-data, eta hala badagokio, ordainketa-data biltzen dituena (KZGA formularioa). Dirulaguntza aurrekontu baten arabera ematen bada, gertatutako desbiderapenak adieraziko dira.
 - b) Aurreko paragrafoan aipatzen den zerrendako gastuen frogagiriak, dirulaguntza publikoaren xedea bete izana ziurtatu ahal izateko.
 - c) Diruz lagundutako jarduera finantzatu duten beste diru-sarrera edo dirulaguntzen zerrenda xehatu bat, zenbatekoa eta jatorria adierazten dituena. (BAGA formularioa)

7. Dirulaguntzaren zenbatekoa

Dirulaguntza hauen banaketa norgehiagoka bidez egingo da.

8. Dirulaguntzen ordainketa eta aurrerakinak

Dirulaguntzen ordainketa Tolosako Udaleko Ordenantza Orokorrean ezarritakoari jarraiki egingo da.

Dirulaguntzei atxikitako jarduerak burutzeko nahitaezko finantzaketa gisa, justifikazioaren aurretiko fondo-entrega moduan, % 75eko ordainketa aurreratuak egin ahalko dira, interesatuak hala nahi badu. Justifikazioaren garaian, aurreratutako kopurua gehiegizkoa izan dela ondorioztatzen bada, kopuruaren zati bat edo osoa itzuli beharko du, dagokion berandutze-tasekin.

Nolanahi ere, geldituko den % 25aren ordainketa egindako gastuaren justifikaziora baldintzatuta geratuko da.

9. Zuzkidura eta aurrekontuko partida

Dirulaguntzak ondorengo ataletan oinarrituta eskatu ahal izango dira. Atal horietako bakoitzak gehieneko kopuru hauek izango ditu:

— Partida: 0800.481.01.33720 - 2019

Gazteriako jardueretarako dirulaguntzak: 21.500 €.



10. Publizitatea

Dirulaguntzen onuradunak diruz laguntzeko den edozein programaren, jardueraren, inbertsioen edo jardunen izaera publikoari buruzko publizitatea egin beharko du, euskaraz edo euskaraz eta erdaraz.

Esaldi hau txertatu beharko da: “ Tolosako Udalak diruz lagundutako jarduera” eta Tolosako logo hau azaldu beharko da euskarri guztietan:

https://udala.tolosa.eus/sites/default/files/tolosa-logotipoa-bertikala_3.pdf

11. Diruz lagundu daitezkeen gastuak

Jarduerarekin zerikusi zuzena duten gastuak lagunduko dira, baita alojamendu-gastuak edo ospakizun gastronomiko protokolarioak ere, baina jarduera gauzatzeko behar-beharrezkoak diren kasuetan soilik.

Finantza gastuak, aholkularitza juridiko edo finantzarioko gastuak, notario- eta erregistro-gastuak, eta diruz lagundutako proiektua gauzatzeko adituen gastuak, eta administrazioko espezifikoak diruz laguntzekoak dira, baldin eta diruz lagundutako jarduerarekin zuzenean lotuta badaude eta jarduera hori modu egokian prestatzeko edo burutzeko ezinbestekoak baldin badira.

12. Araudia

Deialdi honetan aurreikusi ez den guztian arau hauek aplikatuko dira:

— Azaroaren 17ko Dirulaguntzen 38/2003 Lege Orokorra (azaroaren 18ko Estatuko Aldizkari Ofiziala); horren garapeneko Erregelamendua, uztailaren 21eko 887/2006 Errege Dekretuaren bidez onartua (uztailaren 25eko Estatuko Aldizkari Ofiziala);

— Tolosako Udalak dirulaguntzak emateko Ordenantza Orokor arautzailea, 2017ko apirilaren 25ean onartua eta 2017ko uztailaren 7an Gipuzkoako Aldizkari Ofizialean argitaratua.

— Eta Gazteria Departamentuaren oinarri bereziak 2018ko irailaren 25ean onartuak eta 2019ko urtarrilaren 14an Gipuzkoako Aldizkari Ofizialean argitaratua.

13. Errekurtsoak

Deialdi honen aurka berraztertzeko errekurtsua jarri ahal izango da, hilabeteko epean, deialdia onartu duen organo eskudunaren aurrean, edo zuzenean inpugnatu ahal izango da, bi hilabeteko epean, Administrazioarekiko Auzien Epaitegiaren aurrean.

Epeak bi kasuetan deialdi hau argitaratu eta biharamunetik aurrera hasiko dira kontatzen.